

e-Dinamik

MAJALAH DIGITAL AKADEMIa UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademik.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademik untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.

DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin

ORANG MELAYU KAYA DENGAN PERUMPAMAAN

Prof. Madya Dr. Mohd Halim Kadri

Profesor Dr Shamrahayu Aziz dalam sebuah hantaran di akaun facebook pada 12 September 2020 menyatakan bahawa perumpamaan Melayu adalah sebahagian dari peribahasa Melayu selain daripada simpulan bahasa, bidalan, pepatah dan perbilangan.” Menurut Kamus Dewan Bahasa perumpamaan berasal dari kata umpama yang bermaksud sesuatu yang dijadikan perbandingan, ibarat, misal atau contoh. Perumpamaan Adalah kata-kata indah, ringkas dan kemas serta mempunyai maksud tersirat yang dimulai dengan kata bagai, ibarat, laksana, seperti dan umpama.”

Terdapat banyak perumpamaan Melayu, namun penulisan ini hanya akan menyentuh dua perumpamaan berkonotasi positif dan dua perumpamaan berkonotasi negatif. Perumpamaan pertama yang mempunyai maksud yang positif ialah, bagai aur dengan tebing. Ia membawa maksud hubungan kerjasama yang erat, saling membantu, dan saling menguntungkan antara dua pihak yang saling melengkapi. Perumpamaan ini menggambarkan aur yang tumbuh di tepi tebing akan sentiasa disokong oleh tebing itu, dan begitu juga sebaliknya tebing akan menyokong aur, menunjukkan kesatuan dan sokongan yang tiada putus. Ada tiga perkara penting yang kita boleh dapat pelajari dari perumpamaan ini iaitu saling melengkapi, kerjasama erat dan keharmonian.

Perumpamaan positif yang kedua ialah bagai isi dengan kuku. Ia menggambarkan persahabatan yang sangat erat yang tidak dapat dipisahkan, ia seperti hubungan antara daging (isi) dan kuku yang melekat padanya, tidak boleh dipisahkan. Perumpamaan ini mempunyai tiga sisi positif iaitu: kesetiaan dan sokongan; keakraban; dan kesamaan matlamat yang saling menyokong antara satu sama lain.





Perumpamaan yang mempunyai maksud yang negatif yang pertama ialah *bagai anjing dengan kucing*. Maksud perumpamaan "*bagai anjing dengan kucing*" ialah dua orang yang sering bertengkar dan tidak dapat berbaik-baik antara satu sama lain. Perumpamaan ini digunakan untuk menggambarkan hubungan yang sangat negatif, yang membawa kepada konflik berterusan dan tidak baik, bukannya sekadar perselisihan yang sementara. Hubungan menjadi tidak stabil. Perbalahan yang berterusan boleh merosakkan hubungan, menyebabkan ketidakstabilan dan ketidakpercayaan antara pihak-pihak terbabit. Ia juga boleh menyebabkan ketidakpuasan hati. Lebih parah ia boleh membawa kepada perasaan tidak puas hati dan tekanan mental, malahan boleh mewujudkan suasana yang tidak sihat, sama ada dalam persekitaran kerja atau rumah tangga.

Perumpamaan yang membawa maksud negatif yang kedua ialah *bagai duri dalam daging*. Maksud "*bagai duri dalam daging*" ialah sesuatu perkara atau orang yang sentiasa menyusahkan dan tidak menyenangkan hati. Ia boleh berlaku di tempat kerja, dalam rumahtangga mahupun dalam masyarakat. Ia menyebabkan tidak selesa, tekanan ataupun kesulitan yang berterusan dan masalah tidak dapat diselesaikan seolah-olah tidak ada jalan keluar yang mudah untuk melepaskan diri daripada masalah tersebut.

Kesimpulannya, perumpamaan Melayu bertujuan menyampaikan nasihat, teguran, atau ingatan secara kiasan dan tersirat menggunakan kata-kata hikmah yang ringkas dan padat, mencerminkan kebijaksanaan dan pengalaman hidup nenek moyang kita untuk dihayati generasi akan datang.